

13 februari 1589 Prior Lier aan Prior Gr. Ch.

Salutem in domino Jhesu sempiternam. Reverendissime ac honorandissime domine pater prior Generalis: miratur plurimum R.V. quod parum fructus ex bonis carthusie nobis commissis recipiatis, neque intelligere potest R.V. nostras inexplicabiles miserias in quibus hactenus a plurimis annis fuimus et adhuc sumus: nam a plurimis annis nihil aut valde parum de nostris neque de vestris bonis recepimus, neque hoc tempore recipimus. Alia enim bona tam vestra quam nostra ab hereticis et Regis majestatis adversariis occupentur pro fisco. Alia inundatione percunt. Alia devastantur tam a nostris quam ab hereticis militibus. Cetera absque cultore manent et in solitudinem sunt redacta. Si mihi centum lingue essent non possem R.V. explicare nostras communes miserias: pagi omnes a militibus sunt depopulati neque amplius ibidem hospitari possunt: nunc in parvas plerumque civitates intruduntur ut ipsas quoque ad desolationem et desperationem perducant: ni nostra civitate Lyrana que satis parva est, sunt duodecim

vexilla militum ac miseri cives ad extremam inopiam rediguntur; in nostro quoque monasterio habemus sustentare unum capitaneum qui habet quinque equos, octo canes, quatuor famulos et multos alios familiares et quod nos capere oportuit in nostrum usum isti intercipiunt, et sic a multis annis tribulati et consumpti sumus a diversis militibus. Nisi Dominus providerit sua maxima clementia, nostram parvam familiam diutius sustentare non poterimus: domus quoque nostra ex qua quinque annos exules fuimus, multa restauratione indiget: tamen que maxime erant necessaria ad domus conservationem reparavimus: et domus nostra omnius est integra ab edificiis exterioribus, sed interius fenestre vitra et huiusmodi sunt ablata, et omnia utensilia et mobilia et ornamenta domus et ecclesie Conqueritur etiam R.V. ut percipimus, de persona nostra, quasi parum cure nobis fuissent bona domus Carthusie nobis comissa, cum tamen maximo nostro periculo atque multis laboribus pecunias quas de recepitis misimus et adhuc restamus acquisivimus

et servavimus. Misi anno 1585 centum libras flandrucas. Item anno 1586 centum libras: sunt mille et ducenti floreni que apud nos magna somma estimatur: has misi per patrem Visitatorem nostrum priorem Bruxelle, et restamquam adhuc debemus primo quo poterimus tempore, volente et annuente Domino Deo, R.V. fideliter persolvemus. Sed si R.V. nobiscum novisset calamitatem nostram, dimitteret satis scio nobis universum debitum.

A multis annis per milites sumus destructi: novissimo anno aute devastationem monasterii nostri, habuimus in domo nostra alendos per integrum annum quinquaginta milites quibus omnia alimenta procurare debuimus atque omnibus nostris consumptis, spolatis quoque omnibus utensilibus ac mobilibus, omnes nos expulserunt et eiecunt extra civitatem, non multum abfuit quin nos omnes trucidassent.

Noster quoque procurator anno 1581 subita morte defunctus, habebat a nobis in custodia mille et quingentos florenos, et nescimus cui hanc summam custodiendam reliquerit. Habemus quidem suspitionem

*Janus Ronsch  
ALM 144*

sed rei veritatem nescimus; timendum valde ne  
hec somma nobis perierit, nam usque in presens  
nihil certi inquirere potuimus.

Anno 1586 et 87 in restauratione aggerum propre  
Antverpian per hereticos confractorum, etiam mille  
quadringentos florenos expendimus: et pro fru-  
mento quia maxima erat annone caritas etiam plurima  
expendimus, et singulis annis plura damna expectamus.

Has predictas ac plures alias rationabiles causas  
R.V. scribimus, quo melius R.V. intelligere poterit  
calamitates nostras in quibus hactenus fuimus et  
adhuc sumus: neque nostre negligentie aut socordie  
imputandum quo minus domni Carthusie satisfecerimus  
de receptis.

Computavimus tamen cum V. Patribus Valencenarum  
et Bruxelle ad hoc deputatis: de omnibus que ex  
receptione: et nostris debitis domni Carthusie  
debemus: de redditibus vero multum postergatis  
constituerunt et ordinaverunt, ut tres solverem  
annos: quod nobis non ita bene placuit. Nam

5

intentio nostra erat rogare R.P.V. ut plenarie nobis has restantias dimitteret et summam capitalem paulatim solveremus sine ulterioribus redditibus solvendis.

Domno nostra Lyre habuit in pago dicto Kiel prope Antverpiam diversos redditus super certos domos et fundus, ex quibus singulis annis recipere solemus, mille et quingentos florenos, atque de hic redditibus nihil a longo tempore recepimus, neque quicquam amplius in posterum speramus.

Nam omnes domus funditus sunt everse et fundus vacuus et inutilis manet et hec solent esse precipua bona domus nostre, et amisimus non solum de his redditibus omnes restantias sed etiam quod precipuum est omnimodam habens de his desolationem. Sed redditus quos tenemur solve domni Carthusie integri manent, licet restantias dimitatis et non amittitis principale scilicet summam capitalem, que omnia R.P. considerare debet.

Cetera omnia pleraque bona nostra, villegia, prata,

pascua et cetera manent inculta et destructa,  
nescimus nisi D.Deus omnipotens sua elementia  
providere quid tandem agens cum parva nostra  
familia.

Guilielmus Adriaanus  
Brouwenhaver  
HPM 037

Misit R.V. ad nos Domnum Guilielmum in nostrum  
adjutorium et procuratorem, quem leti suscepimus  
et gratissimus nobis eius adventus fuit, atque  
immensas gratias agens R.V. quod nobis ita de  
ipso providerit. Sed unum est quod doleo: quia  
nihil operis iniungere possem neque aliquid de  
bonis tam vestris quam nostris sit recipiendum.  
Neque extra portam civitatis sine maximo periculo  
egredi possumus, et non patet nobis accessus ad  
loca ubi nostra bona sunt sita et si pateat in-  
cultura inveniunt lolio ac tribulis operata. Ipse  
nunc presens videt et nobiscum experitur ac sentit  
calamitates inerrabiles in quas incidimus.

His paucis finem imponentes precamur R.P.V. feli-  
citem anime et corporis et sedium Dei altissimi  
assistricem Sapientiam ut tecum sit et laboret ut

7

sciat R.V. quid acceptum sit coram altissimo omni  
tempori. Gaudemus omnes in his partibus: precipue  
D. Visitator noster et ego qui aliquando vidimus  
faciem R.V. cum essemus in carthusia. R.V. per  
gratiam sancti spiritus electum in R.P. nostrum  
generalem, cui etiam in omnibus usque ad aras  
cupimus obedire: Rogantes ut nostram desolatam  
provinciam semper commendatam habere dignetur  
et precipue domum nostram Lyranam. Bene Vale  
pater in Christo Reverendissime ac colendissime.

Vre dignitatis filius in omnibus obedi-  
tissimus atque obsequiosissimus.

fr. Anthonius a fine Prior domus Lyre ad  
voluntatem et beneplacitum R.V.

13 februarii 1589 ex Bruxella.

Salutat plurimum R.P.V. charissimus  
noster procurator domnus Wilhelmus  
et ceteri omnes fratres nostri Lyrani

Adres: Reverendissimo in christo P. D.

Priori Maioris Carthusie

Carthusie.